



REPUBLIKA E SHQIPËRISË
MINISTRIA E EKONOMISË, KULTURËS DHE INOVACIONIT
AGJENCIA SHQIPTARE E ZHVILLIMIT TË INVESTIMEVE
DREJTORIA E SHËRBIMEVE MBËSHTETËSE

Nr. 685 Prot.,

Tiranë, më 22.05.2024

Lënda: Dërgohet raporti 4 – mujour për vitin 2024 mbi monitorimin e buxhetit të Agjencisë Shqiptare të Zhvillimit të Investimeve (AIDA)

MINISTRISË SË FINANCAVE
DREJTORISË SË PËRGJITHSHME EKONOMIKE DHE SHËRBIMEVE MBËSHTETËSE
DREJTORISË SË BUXHETIT DHE RAPORTIMIT FINANCIAR
Bulevardi ‘Dëshmorët e Kombit’, Tiranë

MINISTRISË SË EKONOMISË, KULTURËS DHE INOVACIONIT
DREJTORISË SË BUXHETIT DHE MENAXHIMIT FINANCIAR
Rruga “Dëshmorët e 4 shkurtit”, Tiranë

Të nderuar,

Në zbatim të udhëzimit nr.14, datë 30.05.2023 “Për Procedurat Standarde të Monitorimit të Buxhetit në Njësitë e Qeverisjes Qendrore”, shtojca 3, po ju paraqesim informacionin narrativ mbi monitorimin e buxhetit për periudhën janar – prill 2024, për AIDA-n.

1. Hyrje.

Agjencia Shqiptare e Zhvillimit të Investimeve (AIDA), në mbështetje të ligjit nr. 10303, datë 15.07.2010 “Për krijimin dhe Mënyrën e Funkcionimit të Agjencisë Shqiptare të Zhvillimit të Investimeve” ka për qëllim të rrisë konkurrueshmërinë e sektorit privat, forcimin e potencialit eksportues të vendit, promovimin dhe mbështetjen e investimeve të huaja direkte në Shqipëri, si dhe të promovojë potencialin turistik të vendit.

AIDA deri në përfundim të vitit ushtrimor 2023, ka qenë pjesë e planit buxhetor të Ministrisë së Financave dhe Ekonomisë, Grupi 10. Në fillim të vitit 2024, me hyrjen në fuqi të Vendimit të Këshillit të Ministrave nr. 30, datë 17.01.2024 "Për përcaktimin e fushës së përgjegjësisë të Ministrisë së Ekonomisë, Kulturës dhe Inovacionit" dhe të Vendimit të Këshillit të Ministrave nr. 31, datë 17.01.2024 "Për përcaktimin e fushës së përgjegjësisë të Ministrisë së Financave", institucioni ynë u klasifikua si pjesë e Ministrisë së Ekonomisë, Kulturës dhe Inovacionit, grupi 12.

Në vijim, me shkresën e Ministrisë së Financave me nr. 2917/1 prot., datë 12.03.2024, na u komunikua dhe ndryshimi i kodeve të institucionit, duke u shoqëruar me nje proces gati 1 (një) mujor të transferimit të fondeve nga kodi i institucionit si pjesë e Grupit 10 (MF), në kodin e ri të institucionit si pjesë e Grupit 12 (MEKI).

Duke qenë se në zbatim të Udhëzimit nr. 14, datë 30.05.2023, të sipërcituar, raportimi i monitorimit të buxhetit bëhet 4 mujor, sqarojmë se shpenzimet buxhetore të kryera nga ana jonë për këtë periudhë raportuese janë të ndara në dy grupe buxhetore, konkretisht për periudhën janar – mars 2024, fondet janë akorduar dhe shfrytëzuar si pjesë e Grupit 10 (MFE), ndërsa gjatë muajit prill 2024, fondet e papërdorura brenda limitit vjetor të miratuar me ligjin nr. 97/2023, janë mbartur në Grupin 12 (MEKI).

Ndërkohë, gjatë periudhës objekt raportimi, agjencia në zbatim të fokusit të saj ka ndjekur një sërë aktivitete dhe nismash të nevojshme në mbështetje të sektorit privat dhe për përmirësimin e klimës së biznesit, duke ndjekur dhe ndihmuar subjektet tregtare private në të gjitha fazat e veprimtarisë së tyre të biznesit, përmes ndërhyrjes dhe bashkëpunimit me subjektet e tregtisë së jashtme dhe organet shtetërore.

1. Informacioni buxhetor i agreguar

AIDA, në zbatim të Ligjit nr. 97/2023 "Për buxhetin e vitit 2024", i ndryshuar, ligjit nr. 9936, datë 26.08.2008 "Për sistemin e menaxhimit buxhetor në Republikën e Shqipërisë", i ndryshuar, të udhëzimit nr. 9, datë 20.03.2018 "Për procedurat standarde të zbatimit të buxhetit", të udhëzimit nr. 14, datë 30.05.2023 "Për Procedurat Standarde të Monitorimit të Buxhetit në Njësitë e Qeverisjes Qendrore", si dhe ligjit nr. 10303, datë 15.07.2010 "Për krijimin dhe funksionimin e Agjencisë Shqiptare të Zhvillimit të Investimeve" (AIDA), gjatë periudhës raportuese janar – prill 2024, ka administruar dhe menaxhuar fondet e vëna në dispozicion nga 2(dy) burime:

A. Buxheti i Shtetit në masën **256,860,000 lekë**, ku përkatësisht 199,860,000 lekë për shpenzime korrente lidhur me objektin e veprimtarisë së AIDA-s, konkretisht, promovimi i Shqipërisë si destinacion investimesh dhe shërbimet e kujdesit ndaj klientit dhe 57,000,000 lekë për shpenzime për investime me kapital të brendshëm

Fondet në fjalë janë shtuar për periudhën raportuese, si më poshtë:

- Me shkresën e Ministrisë së Ekonomisë, Kulturës dhe Inovacionit (MEKI) me nr. 3499/1 prot., datë 28.03.2024, protokolluar këtu me nr. 506, datë 02.04.2024, "Mbi detajimin e

fondit të veçant”, është shtuar fondi i llogarisë ekonomike 606 0000 në masën **120,000 lekë**.

B. Financim i huaj në masën **8,300,000 lekë** për shpenzime për investime me kapital të jashtëm (projekti Skills for Jobs Albania Montenegro). Gjatë kësaj periudhe raportimi nga donatori është disbursuara fondi në masën 2,430,031.75 lekë, ndërkohë për mbajtjen e aktiviteteve referuar projektit janë shpenzuar 1,391,161 lekë.

Aktualisht fondi i parashikuar për vitin 2024, për AIDA-n është në total në masën **265,280,000 lekë**.

- Performanca e AIDA-s gjatë periudhës raportuese janar – prill 2024

Krahasimisht me vitin 2023, vihet re se gjatë këtij 4-mujori të parë të vitit 2024, AIDA ka shënuar rritje në nivel performance, si në aktivitetet përfaqësuese me palë të treta, ashtu edhe në përkrahjen e investitorëve vendas dhe të huaj.

Konkretisht, gjatë kësaj periudhe AIDA ka marrë pjesë:

- Në panairin ndërkombëtar “Biofach 2024”, në Gjermani, muaji shkurt 2024, ku kanë përfituar 6 (gjashtë) biznese shqiptare të cilët synojnë ndërkombëtarizimin e produkteve të tyre, duke nxitur eksportin;
- Në panairin brenda vendit “Dita e Bujqësis”, në Lushnje, në muajin prill 2024, AIDA bëri prezantimin e shërbimeve të veta ndaj shumë bizneseve pjesëmarrëse vendase dhe të huaj, duke krijuar ura të vlefshme bashkëpunimi për të ardhmen.

Gjithashtu, gjatë kësaj periudhë, janë mbajtur takime në formë tryeze të rumbullakët me biznese të fushave të ndryshme, ku janë diskutuar problematikat që asin ata në punën e përditshme dhe janë propozuar nisma konkrete nga AIDA për t’ju ardhur në ndihmë.

Konkretisht, lidhur me prodhuesit vendas “Made in Albania”, janë mbajtur;

- Tryeza diskutimi me prodhues të vajit të ullirit, mjaltit dhe përpunimit të qumështit;
- Tryeza diskutimi me prodhues të sektorit të lëkurës dhe këpucëve;
- Tryeza diskutimi me prodhues të verës;

Gjithashtu është mbajtur tryeza e rumbullakët në bashkëpunim me Drejtorinë e Përgjithshme të Pronësisë Intelektuale (DPPI), në lidhje me ndërgjegjësimin e bizneseve shqiptare për të rritur vlerat përmes pronësisë intelektuale.

Nga ana tjetër gjatë kësaj periudhë AIDA ka qenë pjesë e organizimit të Forumit të Biznesit të mbajtur me investitor të huaj arab dhe cek, nëpërmjet takimeve B2B, ku ka asistuar dhe ndihmuar kompanitë shqiptare për të lidhur ura komunikimi dhe bashkëpunimi me këto biznesmen të huaj.

Ndërkohë në javën e fundit të muajit prill, u mbajt tryeza e rumbullakët “Automotiv Day”, në të cilën u diskutuan problematikat e sektorit të prodhimit të pjesëve të ndryshme të makinave, si dhe vështirësit që ata hasin gjatë ushtrimit të aktivitetit të tyre. Takimi u mbajt në kuadër të fushatave After Care dhe përkujdesjen ndaj investitorëve vendas dhe të huaj që operojnë në këtë sektor.

Rruga “Skerdilajd Llagami”, Nd.1, H.6, Tiranë

Tel: +355 (0)42251001, <http://www.aida.gov.al>, e-mail: info@aida.gov.al

Ajo që vlen të theksohet është fakti se në këtë periudhë raportuese është bërë dhe draftimi i VKM-ve për shpërndarjen e fondeve të akorduara për këtë vit në formë grantesh për mbështetjen e NVMV-ve, mbështetje financiare e cila nuk është bërë nga AIDA prej vitit 2019. Pritet miratimi i tyre për të vijuar me hapat e radhës lidhur me akordimin e granteve.

Gjithashtu, gjatë kësaj periudhe me shkresën tonë nr. 495 prot., datë 28.03.2024, drejtuar MEKI-t kemi kërkuar sistemimin e llogarisë ekonomike nga 230 në llogarinë 231, të fondeve të akorduar në masën totale prej 51,830,000 lekë, të ndarë në 4 (katër) projekte investimi.

Ndërkohë, nga zëri i akorduar për shpenzime kapitale për investime (llogaria 231) nuk ka patur asnjë zhvillim pasi fondi në dispozicion prej 2,000,000 lekë për projektin “Përmirësim sistemesh”, nuk ka mundur të hidhet për prokurim publik pasi ky zë lidhet me mirëmbajtjen e sistemit të Regjistrimit të Investimeve Strategjike, i cili nuk mundi të krijohej vitin e kaluar, ndaj këtë fond do propozojmë të akordohet për tu përdorur për investime kapitale të tjera të nevojshme për aktivitetin e AIDA-s.

Përsa i përket projekteve me financim të huaj për vitin 2024, sqarojmë si më poshtë:

- Në lidhje me projektin me financim të huaj me emërtim “Skills for jobs Albania - Montenegro” në buxhetin e AIDA-s për vitin 2024 u parashikuar financimi i huaj prej 8,300,000 lekë. Ndërkohë fondet e disbursuara nga donator për këtë projekt për periudhën raportuese në masën 2,430,031.75 lekë dhe të shpenzuara janë 1,391,161 lekë. AIDA ka kryer raportimin e ecurisë së këtij projekti në Ministrinë e Financave, duke respektuar afatet e përcaktuara sipas Udhëzimit nr. 35, datë 21.09.2020 “Për kontrollin, rregjistrimin, përdorimin, rakordimin, raportimin dhe publikimin e fondeve të financimeve të huaja në kuadrin e marrëveshjeve ndërkombëtare”.
- Në lidhje me projektin me financim të huaj me emërtimin “EEN Albania”, i cili është mbyllur prej dhjetorit të vitit 2021, fondi i mbetur gjendje kreditore në bankën e nivelit të dytë është transferuar në llogarinë speciale të Bankës së Shqipërisë (BSH) të hapur në emër të këtij projekti, për tu transferuar më tej në Depozitën e Qeverisë pranë BSH dhe në fund kalimin e fondit në llogarinë e thesarit të AIDA-s, për nevojat e institucionit.

Më poshtë, lutemi të gjeni realizimin e zërave të buxhetit për periudhën janar – prill 2024, sipas klasifikimit ekonomik.

➤ **REALIZIMI I SHPENZIMEVE TË AKORDUARA NGA BUXHETI SHTETIT PERIUDHA JANAR – PRILL 2024**

Artikulli	EMËRTIMI	VLERA NË FILLIM TË VITIT NË BUXHET	VLERAT PAS NDRYSHIMEVE	FAKTI I REALIZIMIT TË BUXHETIT		FAKTI SHPENZIM E THESAR JANAR – PRILL (I+II)	PËRQINDJA E REALIZIMIT (%)
				JANAR – MARS	PRILL (II)		
				(I)			
600	Paga	53,186,000	53,186,000	11,007,498	3,624,999	14,632,497	27.5%

601	Sigurime Shoqërore	12,124,000	12,124,000	1,798,363	596,002	2,394,365	19.7
602	Mallra dhe Shërbime të Tjera	34,502,000	34,502,000	5,231,275	4,548,480	9,779,755	28.3
604	Grante për mbështetje në bizneseve	100,000,000	100,000,000	0	0	0	0
606	Transferta për Buxhetet Familjare & Individ	48,000	168,000	0	4,300	4,300	2.5
A. Total 600-606		199,860,000	199,980,000	18,037,136	8,773,781	26,810,917	13.4
230	Shpenzime për rritjen e aktiveve qëndrore të trupëzuar a	51,830,000	0	0	0	0	0
231	Shpenzime për rritjen e aktiveve qëndrore të trupëzuara	13,470,000	0	1,093,828	297,334	1,391,161	10
B. Total 230-231		65,300,000	0	1,093,828	297,334	1,391,161	2
TOTAL (A+B)		265,160,000	120,000	19,130,964	9,071,115	28,202,078	11

Sqarojmë se realizimi total i buxhetit në masën 11%, vjen për faktin që në këtë periudhë raportuese realizimi i fondeve për grante është zero. Konkretisht llogaria ekonomike 604 dhe 230, buxhet i cili zë peshë të konsiderueshme në buxhetin total.

Lidhur me numrin e punonjësve plan dhe fakt, sqarojmë se sipas organikës në fuqi, AIDA ka 39 punonjës në strukturën e saj organizative, ndërkohë në mbyllje të periudhës raportuese, rezulton një vakancë prej 5 (pesë) pozicionesh.

3. Performanca e treguesve kyç të performancës me bazë gjinore, në nivel produkti

Objekti i veprimtarisë të AIDA-s, në buxhetin e akorduar për vitin 2024, konkretisht produkti jo projekt “Grante për mbështetjen e bizneseve” dhe në produktet të ndarë në 4(katër) projekte, ka parashikuar trajtime me bazë gjinore, indikator të cilët do jenë të matshëm në përfundim të procesit të shpërndarjes së granteve nga këto dy skema dhe do pasqyrohen në monitorimin e buxhetit vjetor.

Ndërkohë pjesa tjetër e aktiviteteve që zhvillon AIDA në rolin e promovueses të Shqipërisë si destinacion për investime, lidhet me targetimin dhe asistencën që ofrohet për investitorët vendas dhe të huaj, praktikë e cila nuk bën diferencim me bazë gjinore.

4.Përformanca e buxhetit në nivel programi

Gjatë periudhës raportuese, ecuria (performanca) e realizimit të shpenzimeve korente sipas klasifikimit ekonomik dhe sipas burimeve të financimit, ka patur këtë rezultat:

- **Shpenzime për paga (artikulli 600):** është realizuar gjatë periudhës raportuese në masën 27.5% të fondit të akorduar për vitin 2024.
- **Shpenzime për Sigurime Shoqërore dhe shëndetësore (artikulli 601):** është realizuar gjatë periudhës raportuese në masën 19.7% të fondit të akorduar për vitin 2024.

Sqarojmë se këto realizime të dy artikujve më lartë, lidhen me alokim jo të saktë të fondeve të bërë në fazën e III të PBA 2024-2026 nga MFE, ku fondi total për zërin shpenzime paga dhe kontibute prej **65,310,000 lekë** u akordua jo në përputhje me tabelat e buxhetit të nisura nga ana jonë. Konkretisht kërkesat tona kanë qenë për artikullin 600 në masën **57,002,000 lekë** dhe për artikullin 601 në masën **8,308,000 lekë**.

Sistemimi i masës së këtyre dy fondeve pritet të bëhet një moment të dytë në varësi të ecurisë së realizimit të tyre.

- **Shpenzime për mallra dhe Shërbime të Tjera (artikulli 602):** është realizuar gjatë periudhës raportuese në masën 28.3% të fondit të akorduar për vitin 2024. Përpos nevojave dhe prokurimeve përkatëse, në këtë zë janë realizuar shpenzimet për pjesëmarrje në konferenca dhe panairë, realizimin e aktiviteteve dhe të tjera në përputhje me veprimtarinë dhe fokusin e agjencisë.
- **Grante për mbështetje të bizneseve (artikulli 604):** Referuar ligjit nr. 43/2022 “Për zhvillimin e ndërmarrjeve mikro, të vogla dhe të mesme”, masa e përfitimit, kriteret dhe kushtet e veçanta të përfitimit për NMVM-të përcaktohen çdo vit me vendim të Këshillit të Ministrave. Aktualisht këto akte janë për duke u shqyrtuar në Ministrinë e Drejtësisë, me finalizimin e miratimit të tyre, AIDA do nisi hapat e mëtejshme për finalizimin e procesit të mbështetjes së NVMV-ve me grante.
- **Transferta për Buxhetet Familjare & Individ (artikulli 606):** gjatë periudhës raportuese në masën 2.5% të fondit të akorduar për vitin 2024, në zbatim të VKM nr. 673, datë 02.09.2020 “Për pajisjen me numër telefoni celular të funksionarëve publikë”.
- **Shpenzimet kapitale:**

a) Në artikullin 230, “Shpenzime kapitale të patrupëzuara”, janë parashikuar fondet në masën totale prej **51,830,000 lekë** për 4 projektet e mbështetjes me grante për fuqizimin e NVMV-ve. Shpërndarja e fondeve në fjalë do nisi sapo të përfundoj miratimi VKM-s dhe fazat pasuese të përzgjedhjes të NVMV-ve fituese.

b) Në artikullin 231, “Shpenzime kapitale të trupëzuara”, janë ndarë në shpenzime kapitale:

- I. **Me financim të brendshëm:** Sikurse është theksuar dhe sqaruar edhe më lart, për vitin 2024 është alokuar fondi prej 2,000,000 lekë, për të cilin nuk ka patur asnjë zhvillim pasi fondi në dispozicion për projektin “Përmirësim sistemesh”, nuk ka mundur të hidhet për prokurim publik pasi ky zë lidhet me mirëmbajtjen e sistemit të Regjistrimit të Investimeve Strategjike, i cili nuk mundi të krijohej vitin e kaluar, ndaj këtë fond do propozojmë të akordohet për tu përdorur për investime kapitale të tjera të nevojshme për aktivitetin e AIDA-s.
- II. **Me financim të huaj për projektet:**
 - Me emërtim “Skills for jobs Albania - Montenegro” në buxhetin e AIDA-s për vitin 2024 u parashikuar financimi i huaj prej 8,300,000 lekë. Ndërkohë fondet e disbursuara nga donator për këtë projekt për periudhën raportuese në masën 2,430,031.75 lekë dhe të shpenzuara janë 1,391,161 lekë. AIDA ka kryer raportimin e ecurisë së këtij projekti në Ministrinë e Financave, duke respektuar afatet e përcaktuara sipas Udhëzimit nr. 35, datë 21.09.2020 “Për kontrollin, rregjistrimin, përdorimin, rakordimin, raportimin dhe publikimin e fondeve të financimeve të huaja në kuadrin e marrëveshjeve ndërkombëtare”.
 - Me emërtimin “EEN Albania”, ky projekt është mbyllur në dhjetor të vitit 2021. Por duke qenë se në llogarinë e Bankës të nivelit të dytë Raiffeisen Bank, rezultonte një gjendje kreditore e mbetur si rimbursim shpenzimet për fondet e vëna në dispozicion nga AIDA gjatë implementimit të projektit, kemi marrë masat për transferimin e këtij fondi në BSH për të vijuar më tej me kalimin e tij si të ardhura të AIDA-s për tu përdorur për shpenzime korente.

Realizimi i të ardhurave

Në zbatim të ligjit nr 55/2015 "Per investimet strategjike ne Republiken e Shqiperise" dhe VKM nr. 1027, date 16.12.2015 "Per tarifat e sherbimeve per investimet strategjike" përfiton të ardhura nga shërbimet e asistencës së kryera pranë Agjencisë Shqiptare të Zhvillimit të Investimeve për aplikimet për investitor strategjik. Referuar këtyre tarifave, Agjencia për 4-mujorin e vitit 2024, për shërbimet e kryera ka përfutuar dhe derdhur në Buxhetin e Shtetit nga shoqëritë aplikuese për investitor strategjik tarifa në vlerën totale prej **170,000 lekë**.

5. Performanca jo - financiare e programit buxhetor

Nga analiza sasiore e realizimit të objektivit në nivel produkti, për disa tregues AIDA ka arritur nivelet e pritshme. Ndërkohë disa nga treguesit e tjerë për arsye objektive nuk kanë patur arritjen e kërkuar.

Më poshtë po ju paraqesim analizën e performancës të produktit jo – projekt “*Promovimi i Shqipërisë si destinacion investimesh dhe shërbimet e kujdesit ndaj klientit*”, në nivel treguesish.

- *Mbështetjen e investimeve të drejtpërdrejta në Republikën e Shqipërisë;*

Gjatë periudhës raportuese treguesit e performancës për këtë objektiv janë të ulëta pasi sipas përcaktimeve të ligji nr. 55/2015 ‘Për investimet strategjike në Republikën e Shqipërisë’, prej datës 31.12.2023, afati për aplikimet për statusin e Investitorit Strategjik ka përfunduar, ndaj gjatë këtyre muajve, AIDA nuk ka pranuar aplikime të reja dhe as janë dhënë statuse të reja.

- *Suportin e kompanive SME nëpërmjet fondeve;*

Gjatë periudhës raportuese treguesit e performancës për këtë objektiv janë zero pasi sikurse e sqaruam dhe më lartë, mbështetja e kompanive me fonde bëhet sipas përcaktimeve me VKM, e cila është në proces draftimi. Me përfundimin dhe miratimin e VKM-s do nisi procesi i shpalljes së thirrjeve për aplikim për grante dhe procedura vijuese.

- *Nxitjen e Investimeve të Huaja direkte (IHD)*

Gjatë periudhën raportuese janar – prill 2024, referuar dhe indikatorëve tregues të zbatimit të këtyre objektivave, AIDA ka arritur një shkallë të kënaqshme realizimi të këtyre indikatorëve prej rreth 50%.

Objektivat e politikës:	Kodi i Programit	04130	Emertimi i programit:	Mbështetje për Zhvillim Ekonomik				
				**Treguesit e performancës/Produktet:				
				Plani 2024	FAKTI VITI 2024			
					4-mujori I	8-mujori	12-mujori	
Objektivat e politikës:			Kodi i Treguesit te Performances/Produktit	Emertimi i Treguesit te Performances***/Produktit				
I	Mbështetja e investimeve të drejtpërdrejta në Republikën e Shqipërisë	1.1	91007AA/91205AE	Numri i aktiviteteteve promovuese	10	3		
		1.2	91007AA/91205AE	Nr i kompanive aplikuese	35	0		

Rruga “Skerdilajd Llagami”, Nd.1, H.6, Tiranë

Tel: +355 (0)42251001, <http://www.aida.gov.al>, e-mail: info@aida.gov.al

			per status						
		1.3	Nr i kompanive përfituese të statusit	91007AA/91205A E	Nr i kompanive përfituese	20	0		
2	Nxitja e Investimeve të Huaja direkte (IHD)	2.1	Numri i takimeve after care të organizuara	91007AA/91205A E	Numri i aktiviteteve të organizuara	20	10		
		2.2	Zgjerimi i rrjetit dhe bashkëpunimi me partnere	91007AA/91205A E	Zgjerimi i rrjetit dhe bashkëpunimi me partnere	2	1		
	Suportin e kompanive SME nëpërmjet fondeve	3.1	Numri i NVM V-ve të mbeshetura me fonde publike	91007AN/91205A B	Numer përfituesish	86	0		
3		3.2	Numri i NVM V me drejtues femer që ka	91007AN/91205A B	Numer përfituesish	12	0		

			perfituar nga fondet publike						
		3.3	Numri i kompanive te asistuarane Panair e brenda dhe jashte vendit	91007AN/91205A B	Numer perfituesish	30	6		

6. Përfundime dhe konkluzione

Në përfundim, AIDA referuar dhe arritjeve të objektivave deri më tani, pritet të ndërmarrë aktivitete për zhvillimin e tyre si më poshtë:

- Shtimin e funksioneve për njësitë e përmbajtjes në AIDA, për përmbushjen e objektivit të promovimit të Shqipërisë si destinacion investimesh dhe shërbimet e kujdesit ndaj klientit;
- Ristrukturimin e burimeve njerëzore në funksion të aktiviteve të reja që priten të përfshihen në detyrat e AIDA-s.
- Plotësimin e plotë të vendeve vakante;
- Realizimin e plotë të fondeve të akorduara për shpenzime për investime publike sipas tavaneve buxhtore.

Duke ju falënderuar për bashkëpunimin,

DREJTOR EKZEKUTIV

LAURA PLAKU (SARO)



Rruga "Skerdilajd Llagami", Nd.1, H.6, Tiranë

Tel: +355 (0)42251001, <http://www.aida.gov.al>, e-mail: info@aida.gov.al